

## **Dispvtationes Theologicae**

Quatuor Tomis distinctæ: Qvibus Vniversa Theologia Scholastica Clare,  
Breviter & accuratè explicatur

De Deo, Et De Angelis

**Martinon, Jean**

**Burdegalae, 1644**

Sect. 7. De numero Angelorum.

---

[urn:nbn:de:hbz:466:1-73898](#)

# 676 Disput. XXXVI. de Angelis, Sect. VII.

tudines, quam assequi non possunt sine perpetuitate essendi: alioquin enim quieter non possunt, & vbi non est quiete, non est beatitudo. Respondeo beatitudinem naturalem Angelorum in eo consistere, quod quamdiu existunt Dei beneficio, exerceant extissimas operationes, praesertim circa Deum cognoscendum & amandum, dehincque in eo rationabiliter quiescere. Neque plus postulat appetitus eorum naturalis, sed cetero appetus plus desiderare possunt: quemadmodum hominibus est facile desiderare ut vita corporea nunquam finiat. Verum beatitudo naturalis non postulat, sicut appetitus quilibet elicitus, etiam irrationalis: & suffici homini, si sit beatus homo, ut recte ait Aristot. lib. 1. Ethic. cap. 10. Habetur vero Angelus in quo quiesceret naturaliter, scilicet suam substantiam a nullo agente naturali posse interimi, & Deum nihil perire, nisi iuxta exigentias causarum naturalium: adeoque se in perpetuum à Deo conservatum iri. Naturaliter enim Dei prouidentia, circa seipso & alia creata, non est Angelis ignota.

Aristot.

## SECTIO VII.

*De numero Angelorum.*

**E**sse plures Angelos, & quidem maximo numero, testatur sacre litera: Daniel. 7. Millia millium ministrabant ei, & decies millies centena militia assistebant ei. Apocal. 5. Audiri vocem Angelorum multorum, & erat numerus eorum millia millium: Siue, ut est in textu Graec. μυριάς, quæ frigulae continent decies milles centena millia millium. Iob. 25. Numquid igitur numerus millium eius? Et ad Hebr. 1. 14. Celsior ad multorum millium Angelum frequentiam. Et quidem valde conveysens fuit creari Angelos maximo numero. Tunc ut Deus liberalissime perfectioribus creaturis se communicaret: cum etiam aeternipotentiam suam magis ostenderet, tot simul spiritus, tamque nobilis, unico tantum creatus: tum denique ad maiorem auctu suu celestis maiestatem, & Dei ipsius gloria: quia in multitudine populi dignitas Regis, & in paucitate plebis ignorantia principis, Proverb. 14. v. 28.

**I**n certum autem sit ille numerus incertum est: quia nec Scriptura, nec aliud quidquam certò & præcisè id dicit. Quod ut ostendam, suppono dupliciter inquire posse, quantum sit numerus Angelorum. Primo absolute & præcisè. Secundò comparatiuè, puta situ, maior tota multitudine hominum, vel etiam omnia suostantiarum corporum? Hoc supposito, & reiecto errori Aristotelis 12. Metaphys. tex. 48. existimantis Angelos esse tantum 47. quod scilicet ad varios motus corpo-

56.  
Incertum  
est quae  
dit.

Aristot.

rum celestium necessariis esse, ut autem quasi verò Angelii fuerint tantum creati proprii motu celorum; & bonum rerum inferiorum: ac non potius per se expediti, ut creaturæ nobilissime, & ad Deum glorificandum, laudandum, & colendum apertissimæ, mulcè magis quam homines, coeli, & alia corporea: Hoc inquam errore rejecte, certum est Angelorum numerum, qui ut cœlestis ex citatis Scripturæ locis longior est, non posse absolutè & præcisè nobis designari. Scriptura enim, verbo scripta relatis, cum certum ponit numerum Angelorum, non loquitur de omnibus, bonis & quæ ac malis: & determinatum numerum ponit pro indeterminato. Ut interpretes, & sancti Patres ibidem agnoscunt. Alia vero traditio certa nulla profert. Sed ipsi Patres antiquissimi, ut Dionys. cap. 14. Ireneus cap. 6. & alij, fatentur numerū illorum ignotum nobis esse præcisè. Tum magnū esse, ut respectu nostri innumerabilis, sicutus dici possit.

Comparatiuè autem loquendo sunt qui putent Angelos nonaginta nouem partibus superare tam multitudinem hominum: proper parabolam de centuī obitibus Luc. 15. Verum hvidē additur alia parabola drachmarū decē: unde ali⁹ colligat superare certū partibus nouem. Et quidem S. Brigitta lib. 4. reuel. cap. 11. reuelatum sibi fuisse affirmat. Deū creasse Angelos decē minimū, & amplius, plures quam homines. Sed neq; illa reuelatio certa est: neque ipsa cum dicit, p' us quā decē Angelos inueni pro uroquaque homine, designat præcisè excessum. Neq; etiam ex parabolis allatis certò colligi potest. Nam ibi numerus certus, sicut & alibi sibi ponitur pro incerto. Et ali⁹ spectat veraque parabola, nimirum ad significandum Christi affectum tantum esse, ut vel ipsum hominem à grege errabundum, relictis alijs nonaginta nouem, que siturus sit. Vel ut ait August. lib. 2. q. euangelic. quest. 32. quod Christus homines superbos, & potentes, & sapientes facili, multo plures despicerit. Autem fuisse futurum complectum statum Beatorum, & gaudium Christi plenum, nisi ovis naturæ humanae desperita, ad numerum illum reuocaretur & fratre, ut alii quida interpretantur. Ex quibus expositionib⁹ prima magis placet. Et quāvis non improbariliter hac ad Angelos referatur à Greg. Magno, Theophyl. & alij: potest tamē inter naturas, non inter individua fieri cōparatio. Quare excessus ille determinatus undequequā incertus est.

**A**lij contra, putant maiorem esse numerum hominum, quam Angelorum. Quid sic colligunt: Homines saluandi tot sunt, quot Angelii mali: quia tot erunt beati homines, quorū ceciderunt Angelii, ruinam ex pari reparant. Alijinde verò, tertia pars Angelorum cecidit, quando Draco tertiam partem stellarum traxit Apoc. 12. Beati verò non sunt tercia pars hominum: *Multi enim veluti, pauci electi: & Arcta via est quæ ducit*

ad ipsam & pauci innueniunt eam. Ergo plures sunt homines quam Angeli.

Sed contra; primò, falsum est homines, tantum ex accidenti ruinæ Angelorum, & non per se fuisse salutem destinatos; ideoque totidem præcisè salvandos. Secundò illa reparatio fieri posset sine æqualitate individuorum, conferendo extensiù pluribus hominum individuis tantum gloria, quantum fuisset intensuè in paucioribus Angelis, vel contra. Tertio, incertum est, An Lucifer terriam partem Angelorum præcisè traxerit. Nam Apoc. 12, numerus certus ponitur pro incerto. Et sensus literalis est de Antichristo tractuò in errorem & peccatum magnam patrem fidelium, etiam doctrinam & præfanciacionem, stellarum instar in firmamento Ecclesie fulgentium, ut docent interpres capitis citati.

Incerius est quod dicunt aliqui, qualiter fore numerus Angelorum & hominum, proprie illud Duxerit. 32. v. 8. Constituit terminos populorum iuxta numerum Angelorum Dei. Sic enim legunt LXX. Interpretes, pro eo quod est in vulgata, iuxta numerum filiorum Israhel. Sed legendum est cum vulgata, ex Hebreo, Chaldaico, Symmacho, & Aquila: ut etiam legi in codicibus aliquibus LXX. interpretum testantur Origenes & alii. Sensusque est, Deum, cum Babylone linguis confunderet, & in variis terræ partes homines dispergeret, iam tum terram Canaan filii Israhel destinasse in sufficiendum & commodandum olim habitationem tradendam.

Alij denique, ex quibus est D. Thom. D. Thom. q. 50. art. 3. censem multitudinem Angelorum exceedere omnem multitudinem rerum materialium. Quod D. Thomas probat primò ex Dionys. cap. 14. de eccl. Hierarch. sic ait: *Muli sunt beati exercitus supernarum mentum, infirmarum & constrictarum excedentes nostrorum materialium numerorum commensuracionem.* Additque ibidem Dio ys. Scripturam numeram Angelorum maximis numeris in se replicatis, & myriadum myriabibus explicare solere. Probat secundò hac ratione: quia cum perfectio uniuersi fuerit à Deo præcipue intenta in creatione rerum: quando aliqua sunt magis perfecta, tanto in maiori excessu fuerint creata. Quare sunt Deus corpora ecclie incorruptibilia, & perfectiora sublunaribus in eo modo effici, condidit in mole infinitis penè maiori quam sublunaria: sic Angelos incorruptibilis creaturæ logè maiori quātitate, non continua, sed discreta, id est maiori numero, quam cetera omnia ipsis inferiora. Quod idem repetit q. 112. art. 4. ad 2.

Verum prioris loci ex Dionysio relati alijs sensus est, vt Suarez, Vasq. & alij recte notarunt. Tantum enim ait multitudinem Angelorum exceedere omnem numerum ex ijs quibus vii solemus: ita ut noster computandi modus, & nomina qui-

bus maximos numeros designamus, ad Angelorum numerum non perveniant. Reliquæ que D. Thom. subiuxit, non sufficiunt tanta multitudini certò ad istud dæ. Et ex illius ratione sequeretur maiorem esse multitudinem hominum, quam brutorum, plantarum, & rerum aliarum inferiorum: quod non est verum. Quare licet certum sit multitudinem Angelorum Valde magnam esse: Comparationes tamen illæ omnes incertas sunt. Neque præcisè definiri potest. Quot sint, non modo absolute, sed neque etiam comparajuè-

## SECTIO VIII.

### De specifica distinctione Angelorum.

**H**is de numero Angelorum præmissis, quæstio supereft, an sint omnes eiusdem speciei, an diuersæ, & a partim eiusdem, partim diversæ? Quia de re tres sunt Theologorum sententiae.

Prima est S. Thomæ q. 50. art. 4. & in quæst. de spiritualibus creaturis art. 8. Caietan, de ente & essentia cap. 5. q. 9. Nazarij ad quæst. 50. art. 4. contra q. 2. Granad. tract. 1. de Angelis disput. num. 9. affirmantq; omnes Angelos differre specie inter se, esseque impossibile dari plures Angelos solo numero diuersos. Impossibile, inquam, vel absolute & simpliciter, ut sentiunt Caietan. & alij post eum ciat: vel de potentia ordinaria, ut videtur sentire D. Thom. opusc. 16. § Refut autem, ubi sic ait: *Intellectus, si naturaliter esset unus omnium (vt finxit Averroes) quia non haberet naturalem causam multiplicationis, posset tamen sortiri multiplicationem ex supernaturali causa, nec possit implicatio contradictionis.* Par autem vel maius est ratio, ut Angeli quoq; illam sortiri possent, neque nisi in eo appetatur umbra contradictionis.

Prima pars huius sententiaz, quod scilicet omnes Angeloi sunt specie diversi, nullique omnino solo numero differentes, probatur à Caietano: quia multiplicatio individualium non intenditur per se, sed propter speciei conservationem. Ergo Angeloi, cum sint incorruptibiles, non debuerunt numero multiplicari. Secunda vero pars, quod scilicet non possint solo numero differre, probatur à D. Thom. q. 50. art. 4. quia quæcumque conuenient specie & differentia numero; conuenient in forma, & distinguunt materialiter. Cum ergo Angeloi non sint compesciti ex materia & forma, vt dictum est supra, impossibile est duos Angelos esse nisi speciei, & solo numero differre. Si ut etiam impossibiliter sunt plures albedines separatae, aut plures humanitates: cum albedines non sint plures, nisi secundum quod sunt in pluribus subiectis.

Aliqui cœ:  
sunt quænes  
Angelos  
dicitur spe-  
cie.  
D. Thom.  
Caiet.  
Nazar.  
Granad.

D. Thom.